

乾隆大藏經



國立中央圖書館出版品預行編目資料

乾隆大藏經／〔傳正有限公司編輯部編〕——初版

1997〔民86〕面；19公分x26公分

ISBN 957-97227-1-4（一套：精裝）

藏經——168冊

8608110003

內政部製版權登記核准文號

台(86)內著字第(8614611)
(8616761)
(8618003)

乾隆大藏經

（豪華精裝本）
全套一六八冊

編著處：	本公司編輯部
出版處：	寶印佛經流通處
地址：	彰化市中山路二段九六四號一三樓（B棟）
電話：	（〇〇二）八九九一—一九一三九
傳真：	（〇〇四）七二六—七四〇〇
郵政劃撥：	〇五五九九五〇—一七 郭秀蘭
承印處：	福峰彩色印刷有限公司
電話：	（〇〇二）二九八二—〇九五六

一九九七年十二月出版

御製

佛光恩照 三千大千 隨緣徧滿
恒沙法界 普度衆生 悉證菩提
身心安泰 年時豐稔 風雨調順
日月升恒 乾坤清寧 百昌蕃熾
上下樂利 中外協和 庶物咸亨
萬善圓成 情與無情 同登正覺
大清雍正十三年四月初八日

此土著述(四)

第 151 册

一五·一六二一 大明三藏法數三八卷(一二至三八)

上天竺前住持沙門一如等奉勅集註.....一

(稼四—稼十、穡一—穡十、俶一—俶十)

卷一二(稼四).....	一	卷一三(稼五).....	二四
卷一四(稼六).....	四八	卷一五(稼七).....	七四
卷一六(稼八).....	九九	卷一七(稼九).....	一二四
卷一八(稼十).....	一四八	卷一九(穡一).....	一七二
卷二〇(穡二).....	一九六	卷二一(穡三).....	二二〇
卷二二(穡四).....	二四四	卷二三(穡五).....	二七〇
卷二四(穡六).....	二九四	卷二五(穡七).....	三二四
卷二六(穡八).....	三五三	卷二七(穡九).....	三八二
卷二八(穡十).....	四一二	卷二九(俶一).....	四四一
卷三〇(俶二).....	四六七	卷三一(俶三).....	四九二
卷三二(俶四).....	五一七	卷三三(俶五).....	五四二
卷三四(俶六).....	五六八	卷三五(俶七).....	五九六
卷三六(俶八).....	六二九	卷三七(俶九).....	六五三
卷三八(俶十).....	六八〇		

一五·一六二二 諸佛世尊如來菩薩尊者神僧名經二〇卷(一至九)

明成祖撰.....七〇五

(載一—載九)

序(載一)	七〇六	卷一(載一)	七一四
卷二(載二)	七二二	卷三(載三)	七三七
卷四(載四)	七五一	卷五(載五)	七六四
卷六(載六)	七七九	卷七(載七)	七九五
卷八(載八)	八一	卷九(載九)	八二八



清刻龍藏佛說法變相圖

大明三藏法數卷第十二

稼四

上天竺前住持沙門一如等奉勅集註

四仙避死

出曜經

昔有梵志兄弟四人各得五

通自知命促却後七日皆當命終共相議

言我等既得五通以已神力何所不辦豈

不能避此難也兼四四人雖各往避死終不免

佛以道眼觀見其死終不可避而說偈曰

非空非海中非入山石間無有地方所脫

之不受死

梵語梵志華言淨裔五通者一足不履地二知人心命三四眼

千里四呼名即至五石壁無礙也

一入海

入海者言吾入

大海上不至表下不至底正處中間無常

殺鬼焉知我處七日期滿命亦終盡

山入山者言吾入須彌山壁山兩開入中

還合無常殺鬼焉知我處七日期滿命亦

終盡

梵語須彌華言妙高

三隱空

隱空者言吾躡身

虛空中隱形無迹無常殺鬼焉知我處七日期滿自空墮地而死猶如果熟自然脫落**四居塵**居塵者言吾當隱居大市之中衆人猥鬧各不相識無常殺鬼隨得一人何必取吾七日期滿於衆人中亦自命終

四種死生出維阿含經波斯匿王白佛言云何爲

婆羅門死還生婆羅門家及刹帝利毘舍

首陀家耶佛言當知死生有四種不同梵語

波斯匿華言勝軍梵語婆羅門華言淨行

梵語刹帝利華言王種梵語毘舍華言商賈梵語首陀

華言農人**一從冥入冥**冥即暗也謂世

人生卑賤家或旃陀羅家及餘種種下賤

之家貧窮活命形體顛顛而復作卑賤之

業名之爲冥處此冥中復行身口意惡業

死墮惡趣是爲從冥入冥梵語暗也冥華言屠者惡趣即

二從冥入明謂世人生卑賤家

飲鬼畜生地獄也

乃至作諸鄙惡之業名之爲冥於此冥中能行身口意善業身壞命終生於人天是爲從冥入明**三從明入冥**謂世人生富貴家若刹帝利婆羅門長者家受身端正多財多智名之爲明於此明中行身口意惡

業身壞命終當生惡趣受無量苦是爲從

明入冥**四從明入明**謂世人生富貴家乃

至形相端嚴名之爲明於此明中行身口

意善業勤修福德身壞命終天上受生是

爲從明入明

菩薩四心出金剛經論菩薩梵語具云菩提薩埵

華言覺有情謂菩薩發此四種心度諸衆

生故天親頌曰廣大第一常其心不顛倒

是也**一廣大心**謂菩薩發心度生欲令三

界四生之類普皆濟度無一衆生而不度

者所度衆生無量無邊是名廣大心三界者欲

界色界無色界也四生者
第一心謂菩

薩度脫三界四生之類不欲令證聲聞小

果要皆令入無餘涅槃是名第一心梵語涅槃

華言滅度無餘涅槃者滅
三常心謂菩薩

度無量無數無邊衆生了知衆生本來空

寂實無衆生得滅度者雖無衆生可度而

度生之心常無懈倦是名常心**四不顛倒**

心謂菩薩度生若有我人等相即非菩薩

菩薩了知我人等相本來皆空無能度者

是名不顛倒心我人者於色受想行識五陰上獨立主宰名我復計

爲人名人也

四無量心出法界次第四無量心者慈悲喜捨也

通名無量者謂菩薩利他之心廣大也所

緣衆生既無量而能緣之心亦無量也菩薩

梵語具云菩提薩埵華言覺有情
慈無量心慈名愛念

即與樂之心也謂菩薩愛念一切衆生常

求樂事隨彼所求而饒益之故名慈無量

心**悲無量心**悲名愍傷即拔苦之心也

謂菩薩愍念一切衆生受種種苦常懷悲

心拯救濟拔令其得脫故名悲無量心

喜無量心謂菩薩慶他衆生離苦得樂其

心悅豫欣慶無量故名喜無量心**捨無量心**

謂菩薩於所緣衆生無憎愛心名之

爲捨復念一切衆生同得無憎無愛無瞋

無恨無怨無惱故名捨無量心

四種信心出起信論謂真如之法諸佛

所師衆行之源能愛樂者即是信於根本

故云信根本**信佛**謂信佛有無量功德

常念親近供養恭敬發起善根求一切智

故云信佛**三信法**謂信受諸佛所說之法
有大利益常念修行故云信法**四信僧**謂
信僧能正修行自利利他常樂親近求學
其道故云信僧

四緣發菩提心出地持經

一見聞為增上緣增上

即增進之義謂世間之人或見或聞諸佛
菩薩有不可思議神通變化之事既見聞
已即發是念是佛菩薩功行具足能為如
是諸變化事以此見聞為增上緣故樂佛
大智發菩提心梵語菩提華言道

二聞法為增上

緣謂世間之人雖不見聞諸佛菩薩神通
變化但聞說法讚嘆菩提及大乘法彼人
聞已則歡喜信樂以此聞法為增上緣故
樂佛大智發菩提心**三護法為增上緣**謂
世間之人雖不聞法或見法欲滅之相遂

作是念無量衆生造諸惡業當遭大苦我
今修菩薩道護持正法為諸衆生滅無量
苦以此護法為增上緣故樂佛大智發菩
提心**四發心為增上緣**謂世間之人雖不

見法滅之相但見惡世衆生為煩惱所障
不能出離生死遂作是念於此惡世尚不

能發二乘之願況能志求無上菩提我當
發心亦令他發以此發心為增上緣故樂

佛大智發菩提心二乘者聲聞乘緣覺乘也

菩薩四法出瑜珈師地論

一善修事業謂修菩薩行

者於種種財法惠施衆生無所吝惜諸佛
戒律堅守護持遇諸苦難忍受無悔諸正
法行精進無怠安住禪定心不散亂以正
智慧照了諸法乃至種種行業皆悉修習
是為善修事業

二方

發四

菩薩梵語具云菩提
薩埵華言覺有情

五

便善巧 謂修菩薩行者於諸有情或於聖

教有未入者令其趣入已趣入者令其成熟已成熟者令其解脫乃至諸戒律儀受持毀犯種種方便令諸有情皆得利益是為方便善巧

三饒益於他 謂修菩薩行者

於諸有情或以布施或以愛語或作利他之行或與隨類同事令其皆得安樂是為饒益於他

四無倒迴向 謂修菩薩行者於已所修一切善業及方便善巧饒益之行以淨信心迴向於他而求無上正等菩提終不以此所集善根倒求世間果報是為無倒迴向

四種法為菩薩實德 出大寶積正法經

一入空解脫

門 謂菩薩觀一切法皆從因緣和合而生無作無受如是通達名空解脫是為菩薩

實德 菩薩梵語具云菩提薩埵華言覺有情

二入無我無願

門 謂菩薩觀一切法皆無有我而於三界之中無所願求雖得涅槃恒起大悲樂度眾生是為菩薩實德

三界者欲界色界無色界也梵語涅槃華言滅

三巧施方便

謂菩薩廣運慈悲之心

於三界中巧施方便不住涅槃仍復出生死化度眾生是為菩薩實德

四施不求

報 謂菩薩廣運慈悲之心愍諸有情廣行給施平等無厭了達性空而不求於果報是為菩薩實德

四攝法 出法界次第

此四通言攝者攝即攝受也

謂菩薩欲化導眾生必須以此四法攝受使其依附然後導以大乘正道故維摩經云先以欲鉤牽後令入佛智是也

一布施攝

謂菩薩以財法二

菩提薩埵華言覺有情

種布施攝衆生也若衆生樂財即以財施
攝之若衆生樂法即以法施攝之衆生既
蒙二施利益因是生親愛心依附受道得
住真理故名布施攝**二愛語攝**謂菩薩隨
順衆生根性善言慰喻則一切衆生樂聞
善言因是生親愛心依附受道得住真理
故名愛語攝**三利行攝**謂菩薩起身口意
善行利益一切衆生因是生親愛心依附
受道得住真理故名利行攝**四同事攝**謂
菩薩以法眼明見衆生根性隨其所樂即
分形示現同其所作使其各霑利益因是
生親愛心依附受道得住真理故名同事
攝

四法集善根

出大寶積
正法經

一樂住林間

謂修菩

薩行者當離憤鬧住於山材空閑之處寂

靜宴默思惟正道而廣集一切善根也

四事攝物

四事者布施愛語利行同事也

謂修菩薩行者自行既充必須外引衆生
同已所行之道是以常行布施周其貧乏
復以愛語安慰開諭起諸利行同其事業

緣四

而廣集一切善根也

三捨身求法

謂修菩

薩行者樂求大乘之法其心勇猛雖棄捨
身命亦復無所顧惜而廣集一切善根也

四勤行精進

謂修菩薩行者誓欲求就佛

果是以勤加精進無少懈怠而廣集一切

善根也

四善法

出涅槃經

一近善知識

謂善知識常談善

法若人親近則得滅除一切惡法增長一

切善根也

二能聽受法

謂既親近善知識

又能聽受正法生長善根也

三能思惟義

謂既聞正法即當思惟微妙之義而契會於心也**四如說修行**謂既能思惟正法之義當如所說而修其行則能脫煩惱生死之苦證真空寂滅之道也

菩薩四法門

出如來不思議秘密大乘經

一智門

謂菩薩

以大智慧善知一切衆生根性隨順調伏令其解脫是爲菩薩智門菩薩梵語具云菩提薩埵華言覺有情**一慧門**謂菩薩以大妙慧爲諸衆生

分別宣說深法句義亦欲令其開發慧性照了萬法本來空寂是爲菩薩慧門**三陀**

羅尼門

梵語陀羅尼華言揔持以其持善

不散持惡不生也蓋菩薩以揔持之法隨順一切衆生言音開導正信令其滅諸惡心而行一切善法是爲菩薩陀羅尼門**四**

無礙解門

謂菩薩以無礙智解爲諸衆生

宣說無盡甚深法義亦欲令其獲無礙解是爲菩薩無礙解門

在家人四種具足法

出雜阿含經

一信具足

謂在

家之人於如來所起敬信心聞勝妙法心開意解不生疑謗信根堅固是名信具足

二戒具足

謂在家之人起淨信心受佛禁

戒不殺不盜不邪婬不妄語不飲酒持此

五戒一無毀犯是名戒具足**三施具足**謂

在家之人受前戒法能於一切所有之財

不慳不惜施濟貧乏修此捨行是名施具

足

四慧具足

謂在家之人既受戒行施當

以智慧觀察此身虛假不實由貪瞋癡起

諸煩惱招集無量生死之苦能修善道證

涅槃樂是名慧具足

梵語涅槃華言滅度

四弘誓

出止觀大意

弘廣也誓制也謂菩薩廣發

誓願要制其心志求滿足也

菩薩梵語具云菩提薩埵

華言覺有情

一衆生無邊誓願度

此依苦諦境

而發誓也謂菩薩徧觀六道衆生等類無量無邊皆被生死諸苦所逼一一不虛故發誓願欲度脫之令出三界故云衆生無

邊誓願度

六道者天道人道修羅道餓鬼道畜生道地獄道也三界者欲

界色界無色界也

二煩惱無盡誓願斷

此依集諦

境而發誓也謂菩薩諦審煩惱惑業無量無邊能招集生死苦果流轉三界無有窮盡故發誓願欲斷除之而使六道衆生悉

殺四

九

亦斷除令出三界故云煩惱無數誓願斷

三法門無盡誓願知

此依道諦境而發誓

也謂菩薩諦審一切道法無窮無盡能通至涅槃自既知已亦令一切衆生證知故云法門無盡誓願知

梵語涅槃華言滅度

四佛道無

上誓願成

此依滅諦境而發誓也謂菩薩

諦審菩提之果最勝無有過上自成就已

普願一切衆生咸皆成就故云佛道無上

誓願成

梵語菩提華言道

四弘誓願

出法界次第

一未度者令度

度即超度

也謂衆生未度生死苦者令其得度也

未解者令解

解即解脫也謂衆生未解煩

惱業縛者令其得解也

三未安者令安

安

即安住也謂衆生未能安住於戒定慧而

修行者令其得安住也

涅槃

梵語涅槃華言滅度謂衆生未滅生

死之苦者令其滅之而得證於涅槃也

滅

者謂大患永滅超度三界也

菩薩四弘誓

出陀羅尼雜集

一心如大地

謂願我心

如大地長養衆生道芽善種皆成聖果

心如橋舡 謂願我心如橋舡運度衆生不

滯中流達於彼岸 **三心如大海** 謂願我心

如大海涵育衆生同得真源霑於法味 **四**

身如虛空 謂願我身如虛空包含萬物與

諸衆生平等無二同證法性

四梵福 出增一阿含經 **未起塔處起塔** 塔梵語具

云塔婆華言高顯謂人能起塔者當來之

世受初禪天福經云若有善信男子女人

求梵天福者未曾起塔婆處於中能起是

爲初受梵天之福也 **二補治故寺** 謂修補

破壞故寺當來之世受二禪天福經云補

治故寺是爲第二受梵天之福也 **三和合**

聖衆 謂修習聖道之衆常令和合不使離

散當來之世受三禪天福經云和合聖衆

是爲第三受梵天之福也 **四勸轉法輪** 謂

聞佛成道即當勸請轉於法輪利益衆生
當來之世受四禪天福經云菩薩初轉法
輪若人能勸轉者是爲第四受梵天之福
也

四法生福 出大寶積正法經 **恒行法施** 謂修菩薩

行者當以如來所說正法廣爲一切衆生

而作利益於已之心無復吝惜是以無量

福德由此而生也 菩薩梵語具云菩提
薩埵華言覺有情 **三**

起大悲心 謂修菩薩行者常運大悲心利

益一切於諸破戒衆生方便遮止不令爲

惡是以無量福德由此而生也 **三化諸有**

情 謂修菩薩行者常以利他爲心廣化一

切有情令發菩提之心修習妙行成就佛

果是以無量福德由此而生也 梵語菩提
華言道

四忍辱救護 謂修菩薩行者常應廣運大

緣四

士

悲之心於諸下劣不善之人設以橫逆而加於我不惟忍受其辱抑且方便救護使其改惡遷善是以無量福德由此而生也入道四行出正宗記并稽古畧達磨大師謂二祖可大師曰夫入道多塗要而言之不出理行而

已謂理入者則藉教悟宗深信含生同一

真性但爲客塵妄想所覆不能顯了若捨

妄歸真則聖凡一等無有分別若以行入

者乃有四焉**一報冤行**凡修道之人若受

苦時當念我從往昔劫中棄本逐末流浪

諸有多起冤憎違害無限今雖無犯是我

宿殃惡業果熟所以甘心忍受都無怨恨

作是觀時與理相應體冤進道故名報冤

行判梵語具云判報華言分別時節**二隨緣行**謂衆生無

我皆由業轉苦樂齊受皆從緣生若得勝

報榮譽等事皆是過去宿因所感緣盡還無何喜之有得失從緣心無增減喜風不動冥順於道故名隨緣行**三無所求行**謂愚人長迷處處貪著智者悟真安心無爲萬有皆空無所希冀三界久居猶如火宅

有身皆苦誰得所安若了達者息念無求

經云有求皆苦無求乃樂是則無求真爲

道行故名無所求行三界者欲界色界無色界也**四稱**

法行謂性淨之理因之爲法此理衆相皆

空無染無著無此無彼故經云法無有我

離我垢故智者信解此理應當稱法而行

法體無慳於身命財行檀捨施心無慳惜

達解三空自利利他莊嚴菩提之道爲除

妄想修行六度而無所行故名稱法行三空

者施者受者及所施之物三相皆空也六度者一布施二持戒三忍辱四精進五禪

定六智
慧也

四種觀行

出慈悲水懺

謂修行懺悔者自念煩惱

深厚覆蓋慧眼令無所見斷除衆善不能
出離苦果今既發露衆惡投誠懺悔須作
四種觀行為滅罪之方便也

一觀因緣謂

修行懺悔者當觀我之此罪由無明所覆

無正觀力不識其過遠離善友隨逐魔行

如蛾赴火自燒自爛以是因緣不能自出

是為觀因緣

二觀果報

謂修行懺悔者當

觀所有諸惡不善之業三世輪轉苦果無

緣四

十二

窮淪溺生死大海冥然無涯如抱石沉淵

求出應難是為觀果報

三世者過去現在未來也

三觀

自身謂修行懺悔者當觀自身雖有正因

靈覺之性而為煩惱黑闇之所覆蔽無了

因力不能得顯是為觀自身

正因者即本有正性也了

因者即解了諸法也

四觀如來身

謂修行懺悔者當

觀如來之身衆德具足湛然常住雖復方

便入於滅度而慈悲拔救衆生之心未曾

暫捨常如是觀乃滅罪之良津除障之要

行是為觀如來身

滅度者謂大患永滅超度三界也

四事行

出阿難陀目住尼阿難陀經

一身常恭謹

謂修菩

薩行者當謹守身業毋令放逸所謂殺盜

淫等一切惡法斷而不及諸不善律儀

亦皆無犯是為身常恭謹

菩薩梵語具云菩提薩埵華言

覺有情

一言常至誠

謂修菩薩行者欲修無

上正真之道當守護口業誠實不虛所謂

妄言綺語惡口兩舌之過悉皆遠離是為

言常至誠

三意常柔順

謂修菩薩行者欲

成菩提當防護意業調和柔順離諸邪念

所謂貪欲嗔恚愚癡皆悉斷除是為意常

柔順 梵語菩提華言道

四善權方便 謂修菩薩行

者當善權方便救護一切衆生所謂或生天上乃至或入地獄不捨生死隨類現形但爲利樂有情不爲自求度脫是爲善權方便

四事供養

出增一阿含經

佛在舍衛國祇樹給孤獨

園爲波斯匿王說法王即請佛及比丘僧

三月供養遂於宮門之外作大講堂懸繒

旛蓋及辦一切供給所須衣被飲食卧具

醫藥故云四事供養

梵語舍衛華言豐德祇樹給孤獨園者謂

祇陀太子捨樹給孤長者買園建立精舍諸佛而住也梵語波斯匿華言勝軍



衣被 衣即袈裟而有三品上品二十五條

及九條中品七條下品五條被即覆身之

物此皆可以蔽形骸禦寒暑嚴肅威儀以

成道業是以供養佛僧也

梵語袈裟華言不正色



飲食

飲即種種漿水如果漿蜜漿醍醐甘

蔗蒲萄等漿食即米麴酥酤餠等味此

皆可以資色身進道業而證菩提是以供

養佛僧也

三卧具

卧具即床褥枕席之類

此可以調攝身心將養勞苦以進道行是

以供養佛僧也

四醫藥

醫藥即冷熱甘苦

辛酸草木諸劑及金石丹砂之類此皆可

以治溫寒濕燥之病藉以固身延命成就

道業是以供養佛僧也

施有四事

出諸經要集

一施多得福少

謂飲酒歌

舞等事費用極多而無福報是名施多得

福少

二施少得福多

謂能以慈心供奉道

德之人彼人受已精進學道施物雖少其

福彌大是名施少得福多

三施少得福少

謂以慳貪惡意施邪見外道施物既少得